

Liga prvaka: Dybala spriječio iznenađenje u Torinu, debakl Zvezde u Londonu



Fudbaleri Juventusa su večeras u trećem kolu Lige prvaka sjajnim preokretom stigli do pobjede nad moskovskom Lokomotivom, a heroj Bianconera bio je Paolo Dybala.



Moskovljani su imali prednost od 30. minute kada je mrežu Stare dame sjajnim golom zatresao Miranchuk, a domaći su se dosta patili u ovoj utakmici.

Ipak, trenuci inspiracije Paola Dybale bili su dovoljni da donesu preokret i novi trijumf Juventusu. Fantastični Argentinac je mrežu tresao u 77. i 79. minuti i tako režirao preokret svog tima za veliko slavlje.

Miralem Pjanić je odigrao svih 90 minuta za Juve.

Crvena zvezda je doživjela pravi debakl u Londonu, gdje ju je Tottenham nadigrao sa ubjedljivih 5:0. Za Spurse su pogađali Kane i Son po dva puta i Lamela jednom.

Tako je londonski tim na tabeli pretekao Beograđane, pošto je sada Tottenham 2. sa četiri boda, a Zvezda 3. sa bodom manje.

Prvu pobjedu u grupi večeras je konačno slavio Real Madrid, koji je na gostovanju u Istanbulu bio bolji od Galatasarayja.

Čovjek odluke je bio Toni Kroos koji je pogodio u 18. minuti. U Grupi "A" je novu pobjedu upisao i PSG, koji je Club Bruggeu na gostovanju utrpao petardu (0:5)...

Bayern je u Atini sa 3:2 nadigrao Olympiakos, dok je Manchester City s 5:1 na Etihadu savladao Atalantu.

Tim iz Bergama je bio poveo preko Malinovskog iz penala, ali tako je samo razljutio Građane, koji su bili nemilosrdni.

Sterling je briljirao i postigao hat-trick, dok je dva gola dao Sergio Aguero,

Liga prvaka, 3. kolo:

Grupa A:

Club Brugge – PSG 0:5

Galatasaray – Real Madrid 0:1

Grupa B:

Olympiakos – Bayern 2:3

Tottenham – Crvena zvezda 5:0

Grupa C:

Manchester City – Atalanta 5:1

Shakhtar – Dinamo 2:2

Grupa D:

Juventus – Lokomotiva 2:1

Atletico M. – Leverkusen 1:0

Date: 22-10-2019